

## Kapya yaŋ atu ba Pol hatô hi Kolin Abô môn

Kêdônwaga abôyaŋ êmô Kolin ba enaŋ nena Pol miŋ aposel anôn ami. Lôk enaŋ nena Pol ma anyô abôyaŋ. Pol halaŋô abô takêŋ ba intu hatô kapya êntêk ek injik thô nena ŋê takêŋ iniŋ abô ma abôyaŋ. Ma hanaŋ haviŋ nena da takatu ba thêlô bôk enaŋ nena tem nênenem ma nênenem ni.

Pol hamô Masedonia ba hatô kapya êntêk hadêŋ 55 AD la.

<sup>1</sup> Ya Pol atu ba Wapômbêŋ lahaviŋ yambitak êtôm Yisu Kilisi anêŋ aposel yai lôk aiyaŋ Timoti ato kapya êntêk hadêŋ Wapômbêŋ anêŋ avômalô anêŋ Kolin lôk avômalô mathen takatu ba êmô plovins Akaia.

<sup>2</sup> Wapôm lôk labali êlêm anêŋ Kamik Wapômbêŋ lôk Anyô Bêŋ Yisu Kilisi.

### *Wapômbêŋ atu hêv alalô thêvô*

<sup>3</sup> \*Nambô Wapômbêŋ. Yani ma alalôaniŋ Anyô Bêŋ Yisu Kilisi anêŋ lambô ma lahiki anêŋ alaŋ ba hêv alalô thêvô lôk hêv alalô sa. <sup>4-5</sup> \*Alalô athak apôm Kilisi anêŋ malaiŋ lomaloma ba hayô siŋ ba halelope. Ma doŋtom yani hathak hêv alalô thêvô aêŋ iyom. Aêŋ ba alalô apôm malaiŋ ma hêv alalô thêvô ek nanem avômalô takatu ba ewa malaiŋ thêvô esak thêvô atu ba bôk Wapômbêŋ hêv hadêŋ alalô. <sup>6</sup> Ma yêlô apôm malaiŋ ek môlô noja bulubiŋ lôk thêvô. Ma Kilisi hêv yêlô thêvô êŋ ek môlô noja aêŋ iyom. Aêŋ ba ôpôm malaiŋ hatôm yêlô êŋ ma thêvô êŋ

\* 1:3: Lom 15:5      \* 1:4-5: Sng 34:19

hadum ba tem numiņ lôklokwaņ lôk maliņyaô. <sup>7</sup> Môlô unim malaiņ hatôm yêlôaniņ ma yêlô aêv maleņiņ nena môlô tem numiņ lôklokwaņ ba noja thêvô êtôm intu yêlô awa.

<sup>8</sup> \*Aiyaņ thêlô, nodaņô! Yêlô bôk amô plovins Esia ma awa malaiņ lôk vovaņ bêņ aleba hamô yêlô lu ba malimmalim ba asoņ nena tem nama. <sup>9</sup> Avanôņ! Yêlô kapôlôņiņ hanaņ nena tem yêlô nama êtôm enaņ hathak anyô kambom hamiņ loņ idum abô. Malaiņ êņ hadum ba yêlô anaņ nena, “Wapômbêņ da iyom hatôm ma yêlô mi. Yani iyom intu hik ņê ņama liņ.” <sup>10-11</sup> \*Yani hêv yêlô vê hêk malaiņ takatu ba hadum ek injik yêlô vônô ma hawa yêlô hathak loņbô. Môlônim ku hêk ek noteņ mek ma yêlô aêv maleņiņ nena tem yani nêm yêlô bulubiņ. Avanôņ! Avômalô bêņ anôņ neteņ mek êndêņ Wapômbêņ ma tem nêm wapôm êndêņ yêlô. Ma tem avômalô bêņ anôņ nêgê lôk nenaņ leņiņmavi êndêņ Wapômbêņ.

### *Pol miņ hasau avômalô Kolin ami*

<sup>12-14</sup> \*Yêlô miņ asopa auk pik ami. Mi. Wapômbêņ hêv wapôm ba intu yêlô lêk atitiņ yêlôaniņ ku ba ayê nena avaloņ Wapômbêņ anêņ auk ba anaņ abô anôņ ma miņ avôv môlônim auk ek yêlô aêv yêlôda liņ ami. Yêlô adum aêņ hadêņ avômalô lôkthô. Ma sêbôk atu ba amô haviņ môlô ma yêlô ayabiņ i dedaņ mavi ek nandum aêņ iyom. Ma abô takatu ba bôk yêlô ato hadêņ môlô êņ ma yêlôaniņ auk anôņ ba môlô lêk osam ba oyala yôv. Aêņ ba yêlô ayê yêlôaniņ ku nena mavi. Ma lêk môlô oyala yêlôaniņ auk dokte. Yakô vêmam ka tem môlô noyala yêlôaniņ auk lôkthô ma tem alalô napesaņ abô imbiņ i. Ma waklavôņ

---

\* 1:8: Ap 19:23; 1Ko 15:32 \* 1:10-11: 2Ti 4:18 \* 1:12-14: 2Ko 5:12; Plp 2:16

Anyô Bêñ Yisu anêñ endelê m ma tem môlô nobam yêlô êtôm atu ba tem yêlô nabam môlô aêñ iyom.

<sup>15-16</sup>\*Ma yahayala nena môlônim auk ma hatôm yenañ. Ba intu yalenhaviñ yasôk ek môlô vêm ka yana plovins Masedonia ma yambôalê m esak loñbô ek môlô nô nê m ya sa ek nôpôpêk nômkama ek yana Judia. Ba intu yalenhaviñ yasôk ek môlô bôlôn ju ma yanê m yalenmavi bôlôn ju êndêñ môlô. <sup>17</sup>Ma donjom yahik yenañ auk lilij. Ba lêk môlô onañ nena ya anyô auk pik ba yahasau môlô ba miñ yahathôk ami. Ba môlô onañ nena ya hathak yahanañ abô luvi nena “avanôn” lo “mi”, aêñ e?

<sup>18</sup>Wapômbêñ hathak hanañ abô avanôn iyom. Ba intu yêlôaniñ abô takatu ba anañ ma avanôn aêñ iyom ba miñ anañ abô takêñ lôk leñ luvi ami. <sup>19</sup>\*Yisu Kilisi ma Wapômbêñ nakaduñ ôpatu ba ya lôk Silas ma Timoti anañ anêñ abô bêñ hadêñ môlô ba Wapômbêñ hanañ abôla hathak yani ma miñ hasau ami. Mi! Yisu Kilisi ma Wapômbêñ anêñ “avanôn!” <sup>20</sup>\*Wapômbêñ habutiñ abô lomaloma ba hanañ, “Avanôn! Yisu Kilisi tem injik yenañ abô sapêñ thô.” Ba intu alalô aêvhaviñ Kilisi ba anañ nena “avanôn” ek Wapômbêñ enja athêñ lôkmañgiñ. <sup>21</sup>Ma Wapômbêñ da hanañ nena alalô ma Kilisi anêñ avômalô ba habi bañ hayô hêk yani lôk alalô aêñ iyom ek embatho alalô loñ ek nambitak anêñ avômalô. <sup>22</sup>\*Ma hakak sêk hayô hêk alalô ek injik thô nena alalô ma anêñ avômalô ma hatak anêñ dahô halôk alalô kapôlônjiñ ek nayala nena anêñ abô tem injik anôn.

<sup>23-24</sup>\*Yêlô miñ anyô bêñ ek nasañ môlô ba nanañ nena, “Nônê mimbij.” Mi! Môlôda bôk ôêvhaviñ ba umiñ lôklokwañ yôv. Ba intu alalô ñê lôk iviyañ ek nandum ku

---

\* 1:15-16: 1Ko 16:5-6 \* 1:19: Ap 18:5 \* 1:20: ALK 3:14 \* 1:22: 2Ko 5:5; Ep 1:13-14 \* 1:23-24: 1Pi 5:3

imbiŋ i ma nanêm leŋiŋmavi ni ba êlêm. Aêŋ ba yahamiŋ Wapômbêŋ ma ba yahananŋ abô êntêk. Yakô yasôk Kolin ma tem yanêm malaiŋ êndêŋ môlô ba intu miŋ yahathôk ami.

## 2

<sup>1</sup> \*Ba yenaŋ auk thektheke nena tem miŋ yasôk lôk malaiŋ bôlônŋ te imbiŋ ami. <sup>2</sup> Yahêv malaiŋ hadêŋ môlô ma opalê te tem indum yalenmavi? Môlô takatu ba yahêv malaiŋ e? Yakô mi. <sup>3</sup> Môlô ma avômalô takatu ba othak udum yalenmavi. Aêŋ ba bôk yahato kapya ek alalô miŋ naja malaiŋ ami. Yenaŋ auk ma thektheke nena alalô lôkthô lêk athak dorŋtom lôk leŋiŋmavi iyom. <sup>4</sup> \*Yalenmalaiŋ lôk yalen hik ya ma yahalaŋ ma bôk yahato kapya bôsêbôk lôk yamaleŋ thôk. Miŋ yahato kapya êŋ ek nêm môlô malaiŋ ami. Mi. Yahato ek injik thô nena yalenhaviŋ môlô bêŋ anônŋ.

### *Nodate kapôlômim ek nê idum kambom*

<sup>5</sup> Malaiŋ takatu ba ôpatu hêv hadêŋ ya Pol ma hatôm hêv malaiŋ êŋ hadêŋ alalô lôkthô. Betha ya iyom mena alalô lôkthô la. <sup>6</sup> Malaiŋ takatu ba bôk avômalô êvhaviŋ êv hadêŋ yani ma hatôm. <sup>7</sup> Ma ôpatu ba kapô malaiŋ kambom ma nodate kapôlômim ek yani ma noja yani itup siŋ ek miŋ la injiki ami. <sup>8</sup> Ba intu yahananŋ lôklokwanŋ nena môlô nopesaŋ abô ba lemimmavi esak yani. <sup>9</sup> Bôk yahato hathak malaiŋ takatu ek injik môlô thô ek yanŋgê nena môlô ôtôm avômalô osopa abô mena mi e? <sup>10</sup> Injo. Betha ôpêŋ hadum kambom ami la. Ba intu nodate kapôlômim ek ôpêŋ ek yandate yenaŋ aêŋ iyom. Yahamiŋ Kilisi ma, ma tem ênjê nena lêk yahalate yakapôlônŋ ek yani ek

\* 2:1: 1Ko 4:21 \* 2:4: Ap 20:31

yanê môm sa <sup>11</sup>\* ek alalô miñ natak sawa bute ênjêk ek Sadañ esau alalô ami. Alalô ayala anêñ auk êñ.

*Aposel ma tabô lukmuk anêñ jê ku*

<sup>12</sup>\* Anyô Bêñ da hadum ba yaha Tloas ek yanañ anêñ Abô Mavi atu ba hathak Kilisi bêñ. <sup>13</sup>\* Ma donjom miñ yahapôm Titi ami denañ ba yakapôlôn malainj ba yahananj yansinj ma yaha plovins Masedonia.

<sup>14</sup> Aêñ ba nanê m leñjîmavi êndêñ Wapômbêñ. Yani lovak ba halom alalô takatu ba Yisu Kilisi anêñ avômalo ba aloyeñ lôk leñjîmavi. Wapômbêñ hadum ku hamô alalô kapôlônij ba intu avômalo tem neja anêñ auk êtôm nômla ôv mavi embeñ luvuluvu. <sup>15</sup> Alalô ma Kilisi anêñ da atu ba ôv mavi ba êv hadêñ Wapômbêñ ba avômalo lôkthô iliñu ôv êñ. Avômalo takatu ba ewa bulubiñ lôk takatu ba i loñ nimbuliñ i. <sup>16</sup>\* Avômalo vi iliñu alalô hatôm nô m ôv palê takatu ba hadum ek ema ba havôv thêlô i ek nema. Ma vi iliñu alalô hatôm nô m ôv lôkmala takatu ba havôv i ek nê m lôkmala. Aêñ ba anyôla miñ lôkmangij anôñ ek indum Wapômbêñ anêñ ku ami. <sup>17</sup> Avômalo doho iluviñ Wapômbêñ anêñ abô ek neja valuseleñ. Yêlô ma Kilisi anêñ avômalo takatu ba Wapômbêñ hêv ba amiñ thohavloma. Aêñ ba anañ abô te ma avanônj iyom.

### 3

<sup>1</sup>\* Mômlo osoñ nena yêlô aêv i liñ e? Mi. Yêlô miñ anañ hadêñ mômlo nena noto kapy a lôk abô mavi ek avômalo vi neja yêlô thô ami. Mi. Avômalo vi idum aêñ. Ma yêlô ma mi. <sup>2</sup>\* Mômlo da intu yêlôaniñ kapy a atu eto hêk yêlô kapôlônij. Ba avômalo lôkthô esam ba eyala. <sup>3</sup>\* Mômlo uik

---

\* 2:11: Luk 22:31      \* 2:12: Ap 14:27; 1Ko 16:9      \* 2:13: Ap 20:1      \* 2:16:  
Luk 2:34; 2Ko 3:5-6      \* 3:1: Ap 18:27; 2Ko 5:12      \* 3:2: 1Ko 9:2      \* 3:3:  
Kis 24:12; Jer 31:33; Ese 36:26-27

thô nena môlô ma kapyâ halêm anêj Yisu. Ba yêlôaniņ ku anêj anônj ma miņ eto hathak kêlêpê ami ma hathak Wapômbêj lôkmala anêj Lovak Matherj. Miņ eto hathak valu petap ami ma halôk anyô kapôlônj.

<sup>4</sup> Yêlô ma Kilisi anêj avômalô takatu ba amiņ Wapômbêj ma. Aêj ba intu alalô ayala avanônj biņ nena abô takêj ma avanônj iyom. <sup>5</sup> Yêlô da ma lôkmaņgiņ ba hatôm nanaņ, “Yêlô hatôm.” e? Mi. Wapômbêj da hadum ba ku takatu ba yêlô adum ma habitak mavi. <sup>6</sup> \*Tabô bô takatu ba eto hathak hik avômalô vônô. Ma doņtom Lovak Matherj hêv lôkmala. Wapômbêj hadum yêlô abitak lôklokwaņ ek nandum tabô lukmuk anêj ku atu ba miņ eto ami. Mi. Lovak Matherj da hayabiņ.

#### *Tabô lukmuk anêj lôkmaņgiņ*

<sup>7</sup> \*Tabô bô ma edabêj valu ba eto hathak. Ma deda bêj habi hayô hêk Mose ba habi avômalô Israêl maleņiņ loņ ba miņ hatôm nêgê Mose thohavloma ami. Vêm ma deda hale hi yaôna ma doņtom thêlô miņ hatôm nêgê ami denaņ. Odaņô! Tabô halêm lôk deda bêj ma doņtom anêj ku ma havôn ŋama halêm haviņ. <sup>8</sup> Ma Lovak Matherj anêj ku hamônj lôk anêj deda ma lôkmaņgiņ anônj ek tabô bô anêj. <sup>9</sup> \*Odaņô! Tabô bô anêj ku ma halêm lôk deda. Ma doņtom avômalô miņ esopa ami ba intu Wapômbêj hanaņ, “Môlô noma.” Ma tabô lukmuk anêj ku ma hapesaņ loņôndê ek indum avômalô nimbitak thêthônj. Ba intu anêj deda ma mabuņ anônj hamônj ek tabô bô anêj. <sup>10</sup> Deda haveņ yam hamônj ek yaņ bô ba deda bô lêk hi ba mi. <sup>11</sup> Ma yaņ halêm lôk deda ma doņtom lêk hale hi mabô. Ma yaņ ma tem ida imbi deda wak nômbêj intu. Ba intu anêj deda ma lôkmaņgiņ anônj ek yaņ.

\* 3:6 Jer 31:31; Jon 6:63; 1Ko 11:25      \* 3:7 Kis 34:29      \* 3:9 Lo 27:26;

<sup>12</sup> Aên ba yêlô aêv maleñij hadêñ tabô lukmuk. Ba intu miñ akô ami ma anañ Wapômbên anên abô bêñ. <sup>13</sup> \*Yêlô miñ avuliv maleñij siñ hatôm Mose ami. Deda thohavloma hale hi yaôna ma doñtom yani havuliv ma siñ ba miñ hatôm avômalô Isael nêgê ami. <sup>14</sup> Thêlô esam balabuñ tabô takên ma doñtom iniñ auk thektheke hatôm ivuliv i siñ ba intu miñ eyala abô takên ami aleba lêk êntêk. Anyôla miñ hatôm nêñ sôp êñ vê êñjêk anên auk ek eyala abô takên ami. Mi. Kilisi iyom. <sup>15</sup> Avanôn! Lêk êntêk ñê bêñbên esam Mose anên balabuñ ma doñtom sôp êñ havuliv kapôlônij siñ denañ. <sup>16</sup> \*Ma anyôla hale i liliñ ba hasopa Anyô Bêñ êñ ma hatôm hêv sôp êñ vê. <sup>17</sup> \*Anyô Bêñ ma hatôm Lovak Matheñ. Ma loñ atu ba Lovak Matheñ haveñ, êñ ma hatôm hapole alalôaniñ yak vê. <sup>18</sup> Alalô maleñij ma miñ avuliv siñ ami ba lêk ayê Anyô Bêñ anên deda lôkmañij hatôm alalô ayê thonaniñ lo maleñij halôk liyali. Yanida intu Lovak Matheñ êñ ba hêv deda lôkmañij anôn halêm ba halêm aleba abitak yañda hatôm yanida. Alalô ma hatôm liyali ba ik deda êñ thô ek avômalô vi nêgê.

## 4

*Aposel ma êtôm uy anôn*

<sup>1</sup> Ma Wapômbên lahiki hathak yêlô ba hêv ku êntêk hadên yêlô. Ba intu yêlô namiñ lôklokwañ ma miñ natak ami. <sup>2</sup> \*Yêlô avôliñ dômiñ ek nôñ mama takatu ba hêk loñ kapô ba miñ avuñ abô ba asau avômalô lôk aluviñ Wapômbên anên abô ami. Wapômbên hayê yêlô. Aên ba yêlô ik abô avanôn thô ma avômalô ititiñ yêlôaniñ ku ba eyala nena yêlô adum thêthôn. <sup>3-4</sup> \*Ma doñtom anyô bêñ

\* 3:13: Kis 34:33      \* 3:16: Kis 34:34      \* 3:17: Jon 8:36; Lom 8:2      \* 4:2:  
2Ko 2:17; 1Te 2:5      \* 4:3-4: Ep 2:2; Kol 1:15; Hib 1:3

bôlônj êntêk Sadarj bôk havuliv avômalô maleŋij sij ba miŋ êvhaviŋ ami. Ba intu yêlôaniŋ Abô Mavi hêk loŋ kapô ma avômalô takêŋ lêk idum ek nema ba miŋ hatôm nêgê Abô Mavi anêŋ deda atu ba enaŋ hathak anyô lôkmaŋij Yisu Kilisi ami. Yanida ma Wapômbêŋ. <sup>5</sup> Yêlô anaŋ bêŋ nena Yisu Kilisi ma Anyô Bêŋ. Ma yêlôda atôm môlônim ŋê ku ek nandum Yisu anêŋ ku. Ma yêlô miŋ aêv yêlôda liŋ ami. <sup>6</sup> \*Wapômbêŋ bôk hanaŋ, “Deda tem imbi êyô ênjêk momaŋiniŋ ba imbitak deda”. *Môŋ Anôŋ 1:3*  
Ba Wapômbêŋ êŋ iyom intu habi deda êŋ halôk alalô kapôlônij ek nagê Kilisi thohavloma. Êŋ ma hatôm alalô ayê Wapômbêŋ lôkmaŋij aêŋ iyom.

<sup>7</sup> \*Ma deda lôk Abô Mavi êŋ ma hatôm payeŋ atu ba halôk uŋ anôŋ kapô ek injik thô nena anêŋ lôklokwaŋ lôkmaŋij ma Wapômbêŋ anêŋ ma miŋ halêm anêŋ alalô ami. <sup>8</sup> \*Vovaŋ lomaloma hapôm yêlô ma doŋtom miŋ hakapiŋ yêlô loŋ ami. Hadum ek injik yêlô sesoŋ aleba nanaŋ aisê. Ma doŋtom miŋ hadum yêlô popabuk ami. <sup>9</sup> Maleŋ thêlêv hathak yêlô ma doŋtom ayala nena Anyô Bêŋ miŋ hatak yêlô ami. Êpêŋ yêlô ba ama yak ma doŋtom miŋ ama ami. <sup>10-11</sup> \*Wak nômbêŋ intu yêlô takatu ba asopa Yisu ba amô lôkmala ma avômalô idum ek nijik yêlô vônô êŋ ma hatôm ik Yisu anêŋ lôkmala atu ba hamô yêlôaniŋ kupik pik thô. Aêŋ ba Yisu anêŋ ŋama lêk hamô yêlô leŋviŋkupik kapô ek injik Yisu anêŋ ŋama lôk lôkmala thô. Luvi êntêk lêk hamô. <sup>12</sup> Aêŋ ba ŋama hadum ku hamô yêlô ma doŋtom lôkmala hadum ku hamô môlô.

<sup>13</sup> Bôk eto hêk Wapômbêŋ anêŋ kapyã nena,  
“Yahêvhaviŋ ba intu yahanarj.”

*Kapyã Yey 116:10*

---

\* 4:6: Ais 9:2; 2Ko 3:18      \* 4:7: 2Ko 5:1      \* 4:8: 2Ko 1:8; 7:5      \* 4:10-11:  
1Ko 15:31; Lom 8:36



Ma yêlô aêvhaviņ aêņ iyom. Ba intu yêlô anarj Anyô Bêņ anêņ abô mavi. <sup>14</sup>\*Ma yêlô ayala nena ôpatu ba hik Anyô Bêņ Yisu liņ hêk ŋama ma tem indum aêņ êndêņ yêlô ba endom alalô lôkthô ba ana namô imbiņ Yisu. Aêņ ba intu yêlô anarj Wapômbêņ anêņ abô bêņ. <sup>15</sup>Yahawa malaiņ takêntêk ek nê mômô sa ek Wapômbêņ imbi anêņ wapôm sam êndêņ avômalô bêņ anôņ endeba leņiņmavi indumbak ni ba ni ek nebam anêņ athêņ lôkmaņgiņ esak leņ.

<sup>16</sup>\*Aêņ ba miņ hadum yêlô apôlik ba atak ku takêņ ami. Mi. Alalô leņviņkupik lêk hapalê ma doņtom dahôlôņiņ halumbak ba habitak lukmuk hi ba hi. <sup>17</sup>\*Ma alalôaniņ malaiņ ma vumvum ba hamô vauna. Ma doņtom tem injik anêņ anôņ lôkmaņgiņ atu ba êmô êtôm wak nômbêņ intu sapêņ ba êmô vuliņ ek nômkama lôkthô. <sup>18</sup>\*Ma nô m takatu ba hôyê ma tem nê m yak ba ni. Ma nô m takatu ba miņ hôyê ami ma tem êmô êtôm wak nômbêņ intu sapêņ. Ba intu miņ maleņiņkilik hathak nô m takatu ba ayê iyom ami. Mi. Alalô athak atitiņ nô m takatu ba miņ hatôm nagê ami.

## 5

### *Leņviņkupik lukmuk*

<sup>1</sup>\*Alalôaniņ leņviņkupik ma hatôm unyak kudum. Ma ayala nena ibuliņ unyak êņ ma tem naja leņviņkupik yaņ atu ba hatôm unyak anôņ atu ba Wapômbêņ hapesaņ ba hamô malak leņ ba tem êmô êtôm wak nômbêņ intu sapêņ. Unyak êņ ma miņ ŋê pik epesaņ hathak baherņiņ ami. <sup>2</sup>\*Ma alalô alaņ ba adum ek naņgik leņviņkupik malak leņ atu êtôm kwêv ba aêv lêlê <sup>3</sup> ek imbi êyô

---

\* 4:14: 1Ko 6:14    \* 4:16: Ep 3:16    \* 4:17: Lom 8:17-18    \* 4:18: Kol 1:16  
 \* 5:1: 2Ko 4:7    \* 5:2: Lom 8:23

alalô vov ek miŋ namberŋ kôlôlôn ami. <sup>4</sup> Alalô amô pik hatôm avômalô leŋ popam ba intu alaŋ lôk leŋiŋmalaiŋ ek naja kupik malak leŋ ek lôkmala êtôkwêŋ kupik pik. <sup>5</sup> Wapômbêŋ hapesaŋ alalô ek nambitak aêŋ ma hatak anêŋ dahô halôk alalô kapôlônŋiŋ ek nayala nena anêŋ abô ma tem injik anônŋ.

<sup>6-7</sup>\* Aêvhaviŋ hayabiŋ alalô. Ma miŋ aêv alalôaniŋ auk ek nôm atu ba ayê hathak maleŋdaluk ami. Aêŋ ba alalô ayala avanônŋ nena alalô amô lôk kupik pik ba intu miŋ amô haviŋ Anyô Bêŋ ami. <sup>8</sup>\* Avanônŋ! Alalô ayala auk êŋ ba apôviŋ ek natak kupik êntêk ba ana namô imbiŋ Anyô Bêŋ. <sup>9-10</sup>\* Ma alalô lôkthô tem namiŋ Kilisi ma ek nandum abô esak malêla takatu ba adum mavi mena kambom ek alalô tomtom naja alalôaniŋ vuli. Ba intu amô pik mena amô haviŋ Anyô Bêŋ ma nanêm i videdauŋ ek nandum yani lamavi.

*Avômalô kapôlônŋiŋ esak doŋtom imbiŋ Wapômbêŋ*

<sup>11</sup> Yêlô ayala nena amô Anyô Bêŋ vibiŋ ba tem nandum abô. Aêŋ ba yêlô alôk avômalô leŋiŋ ek nesopa yani. Wapômbêŋ hayala yêlôaniŋ kapôlônŋiŋ. Ma yahêvhaviŋ nena môlô kapôlômim hayala yêlô aêŋ iyom. <sup>12</sup> Yêlô adum ek môlô nobam am esak yêlôaniŋ ku lôk nonaŋ bêŋ êndêŋ avômalô takatu ba êv thêlôda liŋ hathak nômkama viyaiŋ ma leŋiŋpaliŋ nômkama kapôlônŋiŋ. Ma miŋ yêlô aêv yêlôda liŋ ami. <sup>13</sup> Ma avômalô doho enaŋ nena yêlô adum molo. Yôv lôk. Hêk Wapômbêŋ da. Ma vi enaŋ nena yêlô awa auk mavi. Yôv lôk. Êŋ ma hêv môlô sa. <sup>14</sup> Alalô ayala nena anyô te iyom intu bôk hama ek hêv avômalô lôkthô sa ba intu lôkthô bôk ema yôv. Aêŋ ba Kilisi anêŋ lahaviŋ hayabiŋ alalô. <sup>15</sup>\* Avanônŋ! Yani hama ek avômalô lôkthô.

\* 5:6-7: Hib 11:13-16 \* 5:8: Plp 1:23 \* 5:9-10: Kol 1:10; 1Te 4:1; Sav 12:14 \* 5:15: Lom 14:7-8

Ba alalô ñê lôkmala takatu ba asopa yani nasônj alalôda paliñ ma lemiñimbi ôpatu ba bôk hama ba haviyô hathak loñbô ek hêv alalô sa.

<sup>16</sup> Aêñ ba miñ alalô nabalônj avômalô esak auk pik ami. Sêbôk ma adum aêñ hathak Kilisi. Ma doñtom lêk ayala yani thêthônj. <sup>17</sup> \*Aêñ ba anyôla haveñj haviñj Kilisi êñ ma ku lukmuk lêk hayô ma nômkama bô lôkthô lêk hale ba hi ma nômkama lukmuk lêk habitak hayô ba halêm. <sup>18</sup> \*Ma Wapômbêñ hadum nôm takêñj lôkthô. Yani hêv Kilisi ek embak tabô. Ma hêv ku hadêñj yêlô ek nanêm avômalô sa ek neyala ku êñ. <sup>19</sup> \*Ku êñ ma aêntêk. Wapômbêñ hêv Kilisi hatôm tabô ek yani lapaliñj alalôaniñj kambom ek alalô namô labali mavi imbiñj yani. Ma hêv ku ek nanañj abô êñ êndêñj avômalô. <sup>20</sup> Yêlô ma Kilisi anêñj ñê ku. Ba intu alañj ba awa Wapômbêñj abôlêk lôk alôk môlô lemim hathak Kilisi anêñj athêñj nena môlô nôlêm noja Wapômbêñj anêñj tabô. <sup>21</sup> \*Kilisi ma kambom mi. Ma doñtom Wapômbêñj hêv alalô sa ba hêv alalôaniñj kambom hayô hamô yani hatôm vuli ek nambitak thêthônj êñjêk Wapômbêñj ma esak Kilisi anêñj ku êñ.

## 6

<sup>1-2</sup> Yêlô lôk Wapômbêñj adum ku haviñj i. Yani hanañj, “Bôk yahatak wak te yôv ek yanêm môlô sa.

Ba môlô olañj ma yahalañjô

ba yahêv môlô bulubiñj yôv.”

*Aisaia 49:8*

Môlô bôk owa Wapômbêñj anêñj wapôm yôv. Ba intu yêlô asonj môlô lokwañj, “Lêk êntêk hêv môlô sa. Lêk êntêk hêv môlô bulubiñj.”

Ba intu miñj nundum ku êñj imbitak êtôm nôm oyañj ami.

\* 5:17: Lom 8:1; Gal 6:15

\* 5:18: Lom 5:10

\* 5:19: Lom 3:23-25

\* 5:21: Hib 4:15

*Aposel ewa malaij bêj hathak iniñ ku*

<sup>3</sup> Yêlô adô ek anyôla enañ abôma esak Wapômbêñ anêñ ku. Ba intu adum ku êñ ek miñ nambuliñ avômalô iniñ auk ami. <sup>4-5</sup>\*Yêlô ma Wapômbêñ anêñ ñê ku. Ba intu yêlô awa iniñ ku mavi takatu sa hadêñ môlô. Yêlô awa vovañ lôk malaiñ hathak ku êntêk ba hakakô yêlô kambom. Epetav yêlô lôk etak yêlô halôk koladônñ ma êkôki hathak abô. Yêlô adum ku lôk vovanik bêñ ba aêv lêlê lôk nôm mi ba ama kisi. Malaiñ nômbêñ êntêk hapôm yêlô ma doñtom amiñ lôklokwañ. <sup>6</sup>\*Lovak Matheñ hamô haviñ yêlô ba ayala Wapômbêñ anêñ auk ba kapôlônññ ida hêk mabuñ ma yêlô ñê maliñyaô lôk yôhok ma wapôm. Ma yêlô leññhaviñ avômalô ba miñ asau thêlô ami. <sup>7</sup> Yêlô anañ abô avanônñ iyom haviñ Wapômbêñ anêñ lôklokwañ lôk avaloñ anêñ thêthônñ hatôm nômkama vovak hamô baheñ luvi. <sup>8</sup> Avômalô vi ebam yêlô ma vi etatale yêlô. Doho enañ abô mavi hathak yêlô ma doho enañ abôma. Yêlô ñê abô anônñ iyom ma doñtom avômalô vi elam yêlô nena ñê abôyañ. <sup>9</sup>\*Avômalô pik êthônñ yêlô paliñ ma doñtom Wapômbêñ hayala yêlô. Yêlô adum ek nama ma doñtom nôñgô, lêk amô lôkmala. Ik yêlô kambom ma doñtom miñ ama ami. <sup>10</sup> Leññmalaiñ ma doñtom leññmavi wak nômbêñ intu. Yêlô ma ñê nômkama mi ma doñtom adum ba avômalô bêñ anônñ ibitak ñê lôk nômkama bêñ. Yêlô nômkama mi ma doñtom nômkama sapêñ ma yêlôaniñ.

<sup>11</sup> O yenañ avômalô Kolin! Yêlô anañ abô lôkthô hi yañ ek môlô ma yêlô kapôlônññ hik i ek môlô nôlêm. <sup>12</sup> Yêlô miñ avasiñ kapôlônññ ek môlô ami. Mi. Môlô da. <sup>13</sup>\*Aêñ ba yahanañ hadêñ môlô hatôm lambô hanañ hathak nakaduñ. Malêla takatu ba yêlô adum hathak môlô

\* 6:4-5: 2Ko 11:23-27 \* 6:6: 1Ti 4:12 \* 6:9: 2Ko 4:10 \* 6:13: 1Ko 4:14

ma nundum aêḡ iyom lôk nodate kapôlômim ek yêlô.

*ḡê daluk lôk ḡê êvhaviḡ miḡ nesak doḡtom ami*

<sup>14</sup>\* Môlô miḡ nômô imbiḡ ḡê daluk ami. Thêthônḡ lôk lokbarḡ hatôm doḡtom e? Deda lo momaḡiniḡ hatôm doḡtom e? <sup>15</sup>Sadaḡ Belial lo Kilisi hatôm leḡniḡmavi imbiḡ i e? Mena ḡê êvhaviḡ lo ḡê daluk hatôm nesak doḡtom e?

<sup>16</sup>\* Ma Wapômbêḡ anêḡ unyak mathêḡ lôk ḡḡôkba hatôm nêmô imbiḡ i e? Milôk. Alalô ma Wapômbêḡ lôkmala anêḡ unyak mathêḡ hatôm anêḡ abô hanaḡ,

“Tem yamô lôk yambeḡ imbiḡ i

ma ya tem êtôm thêlônḡ Wapômbêḡ

ma thêlô tem nimbitak yenaḡ avômalô.

*Wok Plis 26:12*

<sup>17</sup>\* Aêḡ ba notak avômalô takêḡ ma nômô daim.

Ma miḡ nobaloḡ lelaik takêḡ ami ek batu yanja môlô thô.

*Aisaia 52:11; Esekiel 20:34,41*

Ya Anyô Bêḡ yahananḡ aêḡ.

<sup>18</sup>\* Ya tem yambitak môlônim lemambô

ma môlô tem numbitak êtôm yenaḡ okna lo avena. <sup>2</sup>

*Samuel 7:8, 14*

Ya Anyô Bêḡ Lôklokwanḡ yahananḡ aêḡ.”

## 7

<sup>1</sup> Aiyāḡ thêlô, Wapômbêḡ bôk habutiḡ abô haviḡ alalô ba amô yani vibḡ. Ba intu natip ek nôm takatu ba hadum alalô leḡviḡkupik lôk dahôlônḡḡ habitak lelaik ek nayô uḡlôv ba nambitak mabuḡ lôk mathêḡ anônḡ.

*Avômalô Kolin ele kapôlônḡḡ liliḡ ba Pol lamavi*

<sup>2</sup> Nodate kapôlômim ek yêlô. Yêlô miḡ adum kambom lôk abuliḡ anyôla lôk asau i ami. <sup>3</sup> Miḡ yahananḡ abô êḡ ek yasaḡ môlô ami. Mi. Bôk yahananḡ nena môlô ma

---

\* 6:14: Ep 5:11    \* 6:16: 1Ko 3:16    \* 6:17: ALK 18:4    \* 6:18: Jer 31:9

yenaŋ avômalô môlô. Ba intu môlô ômô ma yahamô. Môlô oma ma yahama aêŋ iyom. <sup>4</sup>Yahayala avanôŋ nena môlô avômalô mavi ba yahabam môlô. Alalôaniŋ malaiŋ lomaloma hamô ma doŋtom yaleŋmavi hamô yakapôlôŋ siŋ aleba yaleŋ halôk biŋ.

<sup>5</sup>\*Yêlô ayô Masedonia ma malaiŋ lomaloma hapôm yêlô aleba hik yêlô sesoŋ. Ibuliŋ yêlô lôbôlôŋ lôk ik vovak hadêŋ yêlô ma yêlô leŋiŋhiki hathak malaiŋ lomaloma vi haviŋ. <sup>6</sup>Ma doŋtom Wapômbêŋ atu ba hêv avômalô leŋiŋmalaiŋ thêvô, hêv Titi ba hayô. <sup>7</sup>Yani hanaŋ hadêŋ ya nena môlô lemhikam bêŋ anôŋ hathak malaiŋ lomaloma ba môlô vovaŋ ek alalô napesaŋ malaiŋ takêŋ imbiŋ i. Titi halaŋô môlônim abô êŋ ma hêv yani thêvô. Ba intu Wapômbêŋ hêv yani hayô ek ya ba hêv ya thêvô aêŋ iyom ba yaleŋmavi anêŋ dôêŋ.

<sup>8</sup>\*Bôk yahato kapyba ba hêv malaiŋ hadêŋ môlô. Ma doŋtom yada ma malaiŋ mi. Alikaknena. Yahêv malaiŋ atu ba hamô vauna ma yaleŋmalaiŋ aêŋ iyom. <sup>9</sup>Ma doŋtom lêk yaleŋmavi anôŋ. Ma yenaŋ kapyba hêv malaiŋ hadêŋ môlô ba intu hadum yaleŋmavi e? Mi. Wapômbêŋ intu hadum ba hêv malaiŋ takêŋ hadêŋ môlô ba intu ole kapôlômim liliŋ. Aêŋ ba abô takatu ba yêlô anaŋ miŋ habuliŋ môlô ami. Ba intu hadum yaleŋmavi. <sup>10</sup>\*Wapômbêŋ hêv malaiŋ hadêŋ avômalô ek nede kapôlôŋiŋ liliŋ ek neja bulubiŋ. Êŋ ma miŋ malaiŋ bêŋ ami. Ma doŋtom malaiŋ pik hathak hadum anêŋ ku nena hik avômalô vônô. <sup>11</sup>Odaŋô! Môlônim malaiŋ halêm anêŋ Wapômbêŋ ba hik môlô thô nena môlô vovaŋ ek notak auk kambom lôk udum ek uŋgwik môlôda thô nena môlô ma kambom mi. Môlô lemimmaniŋ lôk ôkô ma vovaŋ ek ôŋgô ya ek napesaŋ malaiŋ êŋ ek nanêm malaiŋ êndêŋ ôpatu ba

\* 7:5: 2Ko 2:13      \* 7:8: 2Ko 2:4      \* 7:10: Mat 27:3-5; Hib 12:16-17

hadum kambom êḡ. Avanôḡ! Mólô udum aêḡ ba intu hik thô nena mólô kambom mi. <sup>12</sup> Aêḡ ba kapyra atu ba bôk yahato ma miḡ yahato ek imbuliḡ ôpatu ba hamiḡ yenaḡ ku loḡ siḡ lôk nêḡ yada liḡ ami. Mi. Yahato ek mólô numiḡ Wapômbêḡ ma ek injik mólôda thô nena mólô lemimhaviḡ yêlô bêḡ anôḡ. <sup>13</sup> Ma nôḡ takêḡ hadum ba havatho yêlô kapôlôḡriḡ loḡ.

Ba mólô ôêḡ Titi thêḡvô ba yani lamavi bêḡ anôḡ ba intu yêlô leḡiḡmavi bêḡ anôḡ aêḡ iyom. <sup>14</sup> Yahabam mólô ba yahanaḡ hadêḡ yani nena mólô ma avômalô mavi. Ba lêk udum mavi ba miḡ ôêḡ mama hadêḡ ya ami. Mi. Abô nômbêḡ atu ba yêlô anaḡ hadêḡ mólô, êḡ ma avanôḡ ba yêlôdaniḡ abô mavi atu ba anaḡ hathak mólô hadêḡ Titi, ma abô êḡ hik anôḡ mavi aêḡ iyom. <sup>15</sup> Mólô ôkô ba olowaliḡ ma owa yani thô lôk olaḡô anêḡ abô. Hayê aêḡ ba lahaviḡ mólô bêḡ anôḡ. <sup>16</sup> Lêk yahayala avanôḡ nena mólô ma avômalô mavi ba intu yaleḡmavi anôḡ.

## 8

### *Numbitak avômalô wapôm*

<sup>1</sup>\* Aiyaḡ thêlô, yêlô leḡiḡhaviḡ mólô noyala wapôm atu ba Wapômbêḡ hêḡ hadêḡ avômalô êḡhaviḡ takatu ba êḡmô plovins Masedonia. <sup>2</sup> Thêlô ewa malaiḡ bêḡ anôḡ ba êḡ i sêkêya. Ma doḡtom leḡiḡmavi bêḡ anôḡ ba hayô siḡ ba halelope ma iniḡ malaiḡ êḡ i sêkêya anêḡ anôḡ ma wapôm ba êḡ bêḡ anôḡ hatôm da. <sup>3</sup> Yahanaḡ avanôḡ biḡ nena êḡ iniḡ nôḡkama aleba miḡ hatôm ami. Êḡ ma thêlô êḡ doho haviḡ. Thêlôda iniḡ auk ma miḡ anyôla hanaḡ hadêḡ i ami. <sup>4</sup> Thêlô elaiḡ hadêḡ yêlô nena, “Yêlô vovaḡ ek nandum ku imbiḡ avômalô vi ek nanêḡ Wapômbêḡ anêḡ avômalô matherḡ sa. Ba intu nandum mavi êḡndêḡ yêlô ba

---

\* 8:1: Lom 15:26; 2Ko 9:1-2

notak yêlô ek nandum ku êḡ.” <sup>5</sup> Ma yêlô asoḡ kambom! Avômalô takêḡ iniḡ ku môḡ ma êv i hadêḡ Wapômbêḡ vêm ma esopa Wapômbêḡ anêḡ auk ba êv i hadêḡ yêlô haviḡ. <sup>6</sup> Aêḡ ba yêlô apôviḡ Titi nena, “Nu Kolin ma undum anêm ku wapôm atu ba lêk habitak yôv endeba anêḡ daḡ am.” <sup>7</sup> \*Môlô avômalô vuliḡ biḡ ba udum unim ku mavi ba hêv liḡsiḡ. Ôêvhaviḡ ba onaḡ abô batôḡ oyaḡ lôk oyala auk ma ôpôviḡ ek nundum ku lôk lemimhaviḡ yêlô. Aêḡ ba intu nônêm lêlê esak ku wapôm atu ba hêv liḡsiḡ aêḡ iyom.

<sup>8</sup> Ya miḡ hatôm anyô bêḡ te ek yanaḡ nena, “Undum aêḡ” ami. Mi. Ma doḡtom yahayê avômalô takatu ba êv i sêkêya leḡḡhiki ek nêḡnêm avômalô vi sa. Ba intu yaleḡhaviḡ yaḡḡê nena môlônim lemimhaviḡ êḡ ma avanôḡ hatôm thêlô iniḡ mena mi e? <sup>9</sup> \*Ma môlô oyala Anyô Bêḡ Yisu Kilisi anêḡ wapôm. Yani lôkmaḡḡiḡ. Ma doḡtom yani habitak hatôm anyô hêv i sêkêya ek nêm môlô sa ek batu numbitak lôkmaḡḡiḡ.

<sup>10</sup> Môlô ma avômalô mavi ba yenaḡ auk ma aêḡntêk. Sondabêḡ yaḡ wakbôk ma môlô ômôḡ ek ôêv unim da. Ma miḡ ôêv oyaḡ ami. Mi. Kapôlômim hik am ba ôêv. <sup>11</sup> Aêḡ ba valuseḡ vithê la takatu ba ôpôm ma nôḡnêm vi ek nundum ku esak ek môlônim kapôlômim lôk unim ku imbitak doḡtom iyom. <sup>12</sup> \*Nôḡnêm lôk kapôlômim, êḡ ma mavi. Ba miḡ lemimbi nena nôḡnêm nômkama sapêḡ êtôm da êḡndêḡ Wapômbêḡ ami. Nôḡnêm êtôm vithêla takatu ba ôpôm ma tem indum Wapômbêḡ lamavi. <sup>13</sup> Yêlôaniḡ auk nena miḡ nôdêlêk am ba nôḡnêm nômkama lôkthô ek nêm avômalô vi sa ma môlô mi ami. Mi. Nômbi sam esopa avômalô iniḡ bôk lo loḡ êmô. <sup>14</sup> Ma lêk môlônim bêḡ anôḡ hamô ba intu nôḡnêm thêlô sa. Yakô embeḡ yam ma tem

\* 8:7: 1Ko 16:1-2      \* 8:9: Mat 8:20; Plp 2:6-7      \* 8:12: Mak 12:43-44



iniñ bêt anôn ma tem nênem môlô sa aên iyom. Êñ ma lôkthô tem êtôm donjom. <sup>15</sup> Hatôm bôk eto nena,  
 “Opalê atu ba hawa bêt anôn ma tem miñ êpôm bêt anôn  
     ami,  
 ma opalê atu ba hawa auviñna ma tem miñ nêem yak  
     ami.” *Etak Ijip 16:18*

*Pol hêv Titi lôk anyô doho ba i Kolin*

<sup>16-17</sup> Yêlô anañ hik Titi liñ ek êsôk ek môlô ba yani lamavi ba halôk ek êsôk. Ma miñ yêlô alôk yani la ek êsôk ami. Mi. Yanida lahaviñ ba hapôviñ ek êsôk. Wapômbêt hêv yenañ auk hadêt Titi ba lahiki hathak môlô. Aên ba yahêv yalenmavi hadêt Wapômbêt. <sup>18</sup> Tem yêlô nanêem anyô yañ imbiñ yani. Ôpêt ma avômalô êvhaviñ êyê nena anyô hadum Wapômbêt anêt ku mavi ba ebam yani. <sup>19</sup> Ba intu avômalô êvhaviñ elam ôpêt ek ni imbiñ yêlô ek nêem da wapôm atu ek Wapômbêt enja athêt lôkmanñiñ lôk injik thô nena yêlô leñihaviñ nanêem thêlô sa. <sup>20</sup> Yêlô akô ek avômalô netatale yêlô esak da wapôm atu ba yêlô ayabiñ. Ba intu yêlô apesañ ku êñ mavi <sup>21</sup> ek Anyô Bêt lôk avômalô sapêt nêgê nena yêlô adum ku êñ thêthôn.

<sup>22</sup> Ba intu yêlô êv anyô te haviñ ba hathôk. Yani hik i thô nena lamavi ek nêem ku lomaloma sa lôbôlôn. Bôk hayê nena môlô ma avômalô mavi ba intu hapôviñ ek êsôk. <sup>23</sup> Titi ma yenañ anyô môlô atu ba hadum ku haviñ ya hamô môlô malêvôn. Ma aiyañ takêt ma avômalô êvhaviñ iniñ nê ku takatu ba êv athêt lôkmanñiñ hadêt Kilisi. <sup>24</sup> \*Aên ba ungwik am thô êndên nê êntêk nena môlô ma avômalô lemimhaviñ avômalô vi. Ba intu yêlô abam môlô. Ma tem avômalô êvhaviñ lodôn lodôn lôkthô nêgê nena yêlôaniñ abô ma avanôn.

---

\* 8:24: 2Ko 7:13-14

## 9

*Kolin êv da ek nêw Wapômbêw anêw avômalô sa*

<sup>1</sup>\*Môlô bôk ovalon ku da takatu ba êw ek nêw Wapôm-bêw anêw avômalô mathew sa. Ma doptom yalenhawi yanaw abô doho imbiw. <sup>2</sup>Yahayala nena môlô lemimhawi nônêw i sa. Ba yahabam môlô hadêw avômalô Masedonia nena sondabêw yaw wakbôk atu ma môlô avômalô Akaia kapôlômim hakak am ek nônêw da. Ba intu avômalô Masedonia doho elawô ba elom ewew ek nindum awew. <sup>3</sup>Aew ba yahêw aiyaw doho ba êthôk êtôm atu ba yêlô abam môlô ek miw imbitak êtôm abôyaw ami ma êtôm ku ek môlô nopesaw am êtôm atu ba yahanaw. <sup>4</sup>Sêbôk ma yahabam môlô ba yakô wê Masedonia doho nêlêw imbiw yêlô ba nêgê nena miw ôpôpêk am ami ew ma tem ya mama ma môlô ma tem noja mama bêw anêw lôk. <sup>5</sup>Aew ba yahanaw hik aiyaw takatu liw ek nêw nêsôk nêgê môlô ek nêpôpêk da takatu ba bôk môlô ubutiw abô ek nônêw ek batu da ew imbitak êtôm da wapôm ma miw da palon ami.

<sup>6</sup>\*Lemimbi nôw êntêk. Opalê atu ba havatho yawwêk auwina ma tem enja dokte. Ma opalê atu ba havatho bêw anêw ma tem enja limamôk. <sup>7</sup>Wapôm-bêw lamawi hathak ôpatu ba hêw i lôk lavidon. Ba intu avômalô toptom nêw malêla êtôm iniw lewihawi. Ma miw nêpôlik ami. Ma anyô yaw miw êndôk anyô yaw la ek nêw ami. <sup>8</sup>Wapôm-bêw anêw wapôm tem indum ba anêw nômkama tem imbitak bêw anêw êtôm wak nômbêw intu ek anêw ku lomaloma indilup mawi. <sup>9</sup>Hatôm bôk eto nena, “Yani hathak hapaliv anêw wapôm hadêw wê nômkama mi takatu ba êmô lôbôlôbô, ma anêw thêthôn hêk wak nômbêw intu sapew.” *Kapya Yew 112:9*

\* 9:1: 2Ko 8:1-7      \* 9:6: Snd 11:24-25

<sup>10</sup> \*Wapômbêñ hêv yañvêk ek nembatho ma polom ek nejañ. Ma tem nê m nêv yañvêk bêñ anôñ ek indum môlô numbitak thêthôn êtôm yañvêk atu ba hêv liñsiñ. <sup>11</sup> \*Yani tem indum ba môlô numbitak lôkmañgiñ ek nundum wapôm lôbôlôn ek yêlô nanêm da êntêk êndêñ avômalô ma tem nê nê m iniñ leñimavi êndêñ Wapômbêñ.

<sup>12</sup> Ku takatu ba môlô udum ma miñ ôêv Wapômbêñ anêñ avômalô mathen iyom sa ami. Mi. Thêlô enañ iniñ leñimavi bêñ hadêñ Wapômbêñ aleba leñimavi takêñ hayô siñ ba halelope. <sup>13</sup> Ma da êñ hik môlônim wapôm thô ek avômalô nêgê nena ôêvhaviñ Kilisi ba osopa anêñ Abô Mavi ba udum wapôm hadêñ thêlô lôk avômalô vi haviñ. Êñ ma tem nêmbô Wapômbêñ. <sup>14</sup> Ma thêlô tem nêgê Wapômbêñ anêñ wapôm takatu ba hêv hadêñ môlô ba hayô siñ ba halelope ma tem leñinjiki ba neteñ mek ek môlô. <sup>15</sup> Nanêm leñimavi êndêñ Wapômbêñ esak anêñ wapôm takatu ba hêv hadêñ alalô aleba hik alalôaniñ auk vônô.

## 10

### *Pol hêv yanida kisi*

<sup>1</sup> \*Ya Pol yahasopa Kilisi ôpatu ba hatauviñ i ba hamô malinyaô. Ma yaleñ hik ya ek môlô ba yahanañ nena avômalô enañ nena yahamô haviñ môlô ma ya anyô kupik. Ma doñtom enañ nena yahamô daim ma yahakôk haveñ ek yambitak anyô bêñ. <sup>2</sup> \*Ma doho enañ nena yêlô asopa auk pik. Yakô tem yasôk êtôm anyô bêñ ba yasañ i la. Ba intu yahanañ hik môlô liñ lôklokwañ ek nopesañ abô êñ vêmam ka yasôk nena mi ma tem yasôk êtôm anyô bêñ. <sup>3</sup> Yêlô amô pik ma doñtom miñ ik vovak hatôm

---

\* 9:10: Ais 55:10    \* 9:11: 2Ko 1:11; 4:15    \* 10:1: 1Ko 2:3    \* 10:2: 1Ko 4:21

avômalô ethak idum ami. <sup>4</sup>\*Ma yêlô awa Wapômbêḅ anêḅ lôklokwaḅ ek abuliḅ nômkaḅa pik takatu ba lôklokwaḅ ba nômkaḅa vovak takatu ba yêlô ik vovak hathak ma miḅ nômkaḅa pik êntêk ami. <sup>5</sup>Abô eḅam i lôk êkôki takatu ba hamiḅ Wapômbêḅ anêḅ auk loḅ siḅ intu yêlô avak pesa. Ma yêlô ato auk lokbaḅ takêḅ ek imbitak thêthôḅ êḅjêk Wapômbêḅ ma. <sup>6</sup>Ba intu node kapôlômim liliḅ yapiḅ ek yêlô athôk ma nanêm vovaḅ êḅdêḅ ḅê takatu ba leḅôḅdôḅ kôḅtôḅ iyom. Ma miḅ ole kapôlômim liliḅ ami ma ku êḅ tem mi.

<sup>7</sup>Môlô oḅhak ôyê nômkaḅa hêk viyaiḅ iyom. Ma ôpatu ba habam yani nena Kilisi anêḅ, nodaḅô! Yêlô ma Kilisi anêḅ haviḅ. <sup>8</sup>\*Yahabam yada bêḅ anôḅ nena Anyô Bêḅ hêv athêḅ bêḅ hadêḅ yêlô ek nambatho môlô loḅ lôklokwaḅ ma miḅ nambuliḅ môlô ami. Ba intu miḅ ya mama ami. <sup>9-10</sup>Avômalô enaḅ nena yahato kapyā hatôm anyô bêḅ lôk yamaleḅ thêlêv ba yahathaḅ avômalô. Lôk enaḅ nena yahalêm ma thêlô êyê ya hatôm anyô kupik lôk yenaḅ abô ma voloḅna. Nodaḅô! Môlô miḅ nosoḅ nena yahato kapyā yaḅ atu ek indum môlô nôkô ami. Mi. <sup>11</sup>Môlô opalêla takatu ba osoḅ nena ya anyô kupik, ma nodek lemôḅdôḅ ba nodaḅô! Malêla takatu ba môlô osam hêk yêlôaniḅ kapyā, nôḅ takêḅ iyom intu tem yêlô nasopa.

<sup>12</sup>Hatôm yambam yada êtôm ḅê mavi takatu ba eḅam thêlôda? Yanaḅ nena ya anyô lôkawk hatôm thêlô e? Alikaknena! Ya mi. ḅê molo ethak idum aêḅ! Thêlô ethak êyê iniḅ ku ba eḅam nena thêlôniḅ ku lêk habitak mavi. <sup>13</sup>\*Yêlô abam yêlôaniḅ athêḅ hathak ku takatu ba Wapômbêḅ hêv hadêḅ yêlô iyom. Ba môlô ma ôḅmô ku êḅ kapô. Ma vi atu ba miḅ hêv ami ma miḅ abam yêlôda ba

---

\* 10:4: Ep 6:13-17    \* 10:8: 2Ko 13:10    \* 10:13: Lom 12:3

anaŋ abô mayaliv ami. <sup>14</sup> Ma avômalô doho enaŋ nena yêlô abam i hathak ku takatu ba miŋ yêlôaniŋ ami. Mi. Yêlô ma ŋê môŋ anôŋ ek ayô ek môlô haviŋ Kilisi anêŋ Abô Mavi. <sup>15</sup> Ba intu yêlô miŋ abam yêlôaniŋ athêŋ hathak ku takatu ba anyô vi idum ami. Yakô môlônim ôêvhaviŋ tem indumbak ma yêlôaniŋ ku tem ni emberŋ môlônim loŋ sapêŋ <sup>16</sup> ek yêlô nanaŋ Wapômbêŋ anêŋ Abô Mavi emberŋ luvuluvu. Aêŋ ba tem yêlô nabam yêlôaniŋ athêŋ esak ku kapô takatu ba anyô yaŋ hadum ami. <sup>17-18</sup> \*Ôpatu ba Anyô Bêŋ habam yani intu tem Anyô Bêŋ imbi binôŋ esak. Ma ôpatu ba habam yanida intu tem athêŋ mi. Hatôm bôk eto nena,  
 “Opalêla takatu ba êbôi ma nêmbôi esak Anyô Bêŋ iyom.”

*Jelemmaia 9:24*

## 11

### *Pol miŋ kêdôŋwaga abôyaŋ ami*

<sup>1</sup> Yahanaja abô molo ma doŋtom nômô maliŋyaô vê-mam. <sup>2</sup> \*Yalerdaŋ hathak môlô hatôm atu ba Wapômbêŋ ladaŋ hathak alalô. Yahapesaŋ abô ek noja anyô doŋtom iyom intu Kilisi ba yahadum ek môlô kapôlômim ênjêk mabuŋ êtôm avi muk atu ba lêk êlôk la yôv ma doŋtom miŋ elom ami denaŋ. <sup>3</sup> \*Ma yakô avômalô doho nimbuliŋ môlônim auk endeba nôndô abô takatu ba ovak haviŋ Kilisi hatôm sêbôk atu ba umya havuŋ abô ba hasau Ewa. <sup>4</sup> \*Ŋê takêŋ êlêm enaŋ ba môlô osopa Yisu yaŋda ma miŋ Yisu atu ba yêlô bôk anaŋ hathak ami. Ma owa dahô yaŋda ma miŋ yaŋ atu ba sêbôk ba môlô owa ami. Ma osopa abô yaŋda ma miŋ abô mavi sêbôk ba môlô osopa ami. Aisê ka owa ŋê êŋ thô? <sup>5</sup> \*Môlô osoŋ nena kêdôŋwaga takatu ba

\* 10:17-18: 1Ko 1:31; 4:4 \* 11:2: Ep 5:26-27 \* 11:3: Stt 3:4,13 \* 11:4: Gal 1:8-9 \* 11:5: 1Ko 15:10; 2Ko 12:11

olam nena “apospel lôkmanjij” êmô vulinj ek ya e? Mi. Miñ yahamô thêlô vibiñ ami. <sup>6\*</sup>Ya anyô yavenjôlêk malaiñ ba yahanaj abô thôthô. Ma doñtom yenañ auk hamô ba bôk yahik lôkthô thô hadêñ mólô ba oyala yôv.

<sup>7\*</sup>Yahanaj Wapômbên anêñ Abô Mavi hadêñ mólô ma doñtom yahadô vuli ek yatauviñ ya ma yanêm mólô liñ. Êñ ma kambom e? <sup>8\*</sup>Nodanjô! Ya ma hatôm anyô vani ba yahawa ñê êvhaviñ vi iniñ valuselej ek batu yandum ku yanêm mólô sa esak. <sup>9\*</sup>Yahamô haviñ mólô ba yahêv yak hathak nômkama ma doñtom miñ yahêv malaiñ hadêñ mólô ami. Aiyaj doho êlêm anêñ Masedonia ba êv ya sa. Wak takêñ ma yahadô yanêm malaiñ lomalama êndêñ mólô ba tem miñ yatak auk êñ ami. <sup>10</sup>Kilisi anêñ abô ma avanôñ. Ma yenañ abô aêñ iyom ba intu yahabam ya hathak nôm takêñ. Mólô avômalô plovins Akaia miñ hatôm numiñ ya loñ siñ ami. <sup>11</sup>Miñ yalerjhaviñ mólô ami ba intu yahadum aêñ e? Wapômbên intu hayala.

<sup>12-15</sup>Sadañ hêv i liliñ hatôm añela lôk deda. Ma anêñ ñê ku ele i liliñ hatôm ñê thêthônj aêñ iyom ba ibitak aposel oyañ ma esau mólô nena thêlô ma Kilisi anêñ aposel. Êñ ma Sadañ da anêñ kobom ba hathak hadum aêñ ba intu miñ nosoj kakapuk ami. Aêñ ba tem yandum êtôm aêsêbôk ba yahadum ek miñ yanja vuli esak Wapômbên anêñ abô takatu ba yahanaj ami ek yadabênj ñê takêñ iniñ auk kisi. Thêlô idum ek nenañ nena, “Yêlô ma aposel hatôm Pol” ba intu idum ek yanañ injik mólô liñ esak vuli. Êñ ma tem thêlô nêñêm iniñ athêñ liñ esak iniñ ku. ñê takêñ iniñ lôkmala anêñ dañ tem êtôm iniñ ku kambom takatu ba idum.

*Pol hadum ku aposel ba hawa malaiñ lomalama*

\* 11:6: 1Ko 2:1,13      \* 11:7: 1Ko 9:18      \* 11:8: Plp 4:15,18      \* 11:9: 2Ko 12:13; Plp 4:15,18

<sup>16</sup> Bôk yahanarj yôv nena miŋ lemimimbi nena ya ma anyô molo te ami. Ma dorŋtom tem yanarj abô molo ba yambam ya êtôm kêdôŋwaga abôyarj takêŋ ba intu nodarjô bônôŋ êtôm atu ba othak udum hadêŋ ñê molo vi. <sup>17</sup> Yahasopa auk molo ba yahabam ya ma miŋ yahasopa Anyô Bêŋ anêŋ abô ami. <sup>18</sup> Ma kêdôŋwaga abôyarj ethak ebam i hatôm avômalô pik ethak idum. Aêŋ ba intu tem yambam ya. <sup>19</sup> Môlô othak ômô labalina haviŋ ñê auk molo. Êŋ ma môlô ñê lôkawk e? <sup>20</sup> Odarjô! Ñê êŋ êyê môlô nena ôvathek lôk ibuliŋ môlô ma êv vovarj lôk êv thêlôda liŋ ma epetav môlô malemim darj. Ma dorŋtom môlô miŋ ôpôlik ami! <sup>21</sup>\*Betha ya anyô vau lôk miŋ yahadum hatôm thêlô ami ba intu ôpôlik hathak ya? Ai! Lêk ya mama.

Ñê takêŋ miŋ êkô ami ma êv iniŋ athêŋ liŋ ba intu tem yandum êtôm anyô auk molo ek yambam yada aêŋ iyom. <sup>22-23</sup>\*Thêlô ma Hiblu e? Mena Israe! e? Mena Ablaham anêŋ limi e? Ma thêlô ma Kilisi anêŋ ñê ku e? Ma ya? Ya ma bêŋ anôŋ lôk ek thêlô. Aêŋ ba ya hatôm anyô molo ba tem yambam ya da. Bôk yahadum ku bêŋ anôŋ lôk yahamô koladôŋ ma ik ya hathak yak lôkmaŋgiŋ lôk idum ek nijik ya vônô lôbôlôŋ hamôŋ ek i. <sup>24</sup>\*Avômalô Israe! bôk ik ya bôlôŋ baherjvi hathak yak lôkmaŋgiŋ hatôm 39.\* <sup>25</sup>\*Ik ya hathak okdiba hatôm bôlôŋ lô ma ik ya hathak valu bôlôŋ te. Ma yahathak yerj ba yaha ma kakalu lôk damak ba yerj kambom hatôm bôlôŋ lô. Ma yahamô ñgwêk malêvôŋ hatôm bôlôvôŋ yarj ma wak daluk yarj. <sup>26</sup>\*Yaha ba yahalêm lôbôlôŋ ba ñarjô

\* 11:21: Plp 3:4 \* 11:22-23: Ap 16:23; Plp 3:5 \* 11:24: Lo 25:3

\* 11:24: Israe! iniŋ abô balabuŋ hanarj nena nijik anyô esak yak lôkmaŋgiŋ êŋ êtôm bôlôŋ 40 êŋ ma tem anyô ema. Ma 39 ma tem anyô êmô lôkmala. Ba intu evali Pol hatôm 39 iyom. \* 11:25: Ap 16:22; 14:19 \* 11:26: Ap 9:23; 14:5

lôk nê vani ma yada yenaŋ avômalô lôk nê loŋ buyaŋ ma avômalô malak bêŋbêŋ lôk loŋ oyaŋ ma ŋgwêk kambom lôk nê esau nena yenaŋ aiyaŋ lôkthô idum ek nimbuliŋ ya. <sup>27</sup> Yahadum ku malaiŋ lôk vovanik bêŋ ba miŋ yahêk ami. Yahathakmuniŋ lôk yahama kisi ma yaha yaleŋ oyaŋ. Ya nômkama mi ba yahasimbak. <sup>28</sup> Ma malaiŋ te haviŋ nena yaleŋ hik ya wak nômbêŋ intu hathak avômalô êvhaviŋ lôkthô. <sup>29</sup> Nê takatu ba lêk vau, êŋ ma ya lêk vau aêŋ iyom. Ma anyôla havôv anyô yaŋ ek indum kambom, êŋ ma yakapôlôŋ hathaŋ hatôm atum.

<sup>30</sup> Lemimhaviŋ yambam ya aêŋ ba intu tem yambam ya esak yenaŋ ku vaunena takatu ba bôk yahadum iyom. <sup>31</sup> Wapômbêŋ alalôaniŋ Anyô Bêŋ Yisu anêŋ lambô atu ba nêmbô wak nômbêŋ intu sapêŋ hayala nena miŋ yahanariŋ abôyaŋ ami. <sup>32</sup> \*Aletas hatôm kiŋ ma yahamô Damaskas. Ma kiŋ anêŋ anyô bêŋ te hanariŋ hadêŋ nê vovak takatu ba eyabiŋ loŋ êŋ ek nebalon ya. <sup>33</sup> Ma doŋtom etak ya halôk vak sam bêŋ te ba êlêlô ya halôk unyak lôk abyariŋ ba yahasôv ma miŋ evalon ya ami.

## 12

### *Pol hayê wêŋ*

<sup>1</sup> Abô êntêk miŋ hatôm nêŋ avômalô sa mavi ami. Ma doŋtom tem yambam ya esak loŋbô esak wêŋ lôk auk takatu ba Anyô Bêŋ hik thô hadêŋ ya. <sup>2</sup> Yahayala anyô atu ba hêvhaviŋ Kilisi. Sondabêŋ 14 hale ba hi ma ewa yani ba i malak leŋ te lô. Ewa ôpêŋ lôk liŋkupik mena injo, êŋ ma yahathôn. Wapômbêŋ da hayala. <sup>3</sup> Yahayala nena anyô êŋ ewa lôk liŋkupik mena mi, êŋ ma yahathôn ma Wapômbêŋ iyom intu hayala <sup>4</sup> ba ewa yani ba i malak leŋ elam nena “Paladais”. Yani halarô abô loŋ kapô lomaloma

---

\* 11:32: Ap 9:23-25



ba ik yani kisi ek miñ enañ bêñ ami. <sup>5</sup> Anyô anêñ aêñ ma tem yambam yani. Ma doñtom yada ma tem yambam yenañ ku vaunena takatu.

*Nômla hatôm yak lôkmanñiñ havatho Pol*

<sup>6-7</sup> \*Wapômbêñ bôk hêv ku lôk abô ma auk lôkmanñiñ hadêñ ya yôv. Aêñ ba yahadum ek yambam yada esak auk êñ, êñ ma yanañ abô avanônñ iyom ba miñ ya anyô auk voloñ ami. Ma yakô avômalô neson nena ya anyô lôkmanñiñ ba miñ ya anyô oyañ hatôm ñê vi ami. Aêñ ba hêv Sadañ anêñ ñê ku ba i ibi yalenñvinkupik hathak yak lôkmanñiñ ba hêv malaiñ hadêñ ya ek miñ yanğê ya dañ ami. <sup>8</sup> Yahalañ hadêñ Wapômbêñ hatôm bôlônñ lô ek nêv vê êñjêk ya. <sup>9</sup> \*Ma doñtom hanañ hadêñ ya, “Yenañ lôklokwañ hik i thô hadêñ waklavônñ o vau lôk yenañ wapôm ma hatôm ek o.” Aêñ ba yalenñmavi ek yambam yenañ ku vaunena takatu ek injik Kilisi anêñ lôklokwañ thô. <sup>10</sup> Ya anyô vau ma doñtom lêk ya anyô lôklokwañ. Ba intu yahasopa Kilisi yanğwam ma yalenñmavi nena ya anyô vau lôk enañ abôma hathak ya ma yahadum ku lôk vovanik lôk êv vovañ lôk malaiñ lomalomama hadêñ ya.

*Pol hathô avômalô Kolin ba haya*

<sup>11</sup> \*Môlôda udum ba yahabam yada ba intu lêk yahabak anyô molo. Ya anyô oyañ ma doñtom miñ ya anyô oyañ anônñ ek aposel lôkmanñiñ takatu ami. Thêlô êlêm ek môlô ma môlô ôêv yak ba miñ onañ yenañ ku anêñ lavônñ mavi hadêñ i ami. <sup>12</sup> \*Wapômbêñ hamiñ lôklokwañ haviñ ya ba intu hik yenañ ku thô nena ya ma aposel te. Ma hêv avômalô sa ek neyala yanida mavi hathak lavônñiñ lôk nômbithi ma ku lôklokwañ lomalomama

---

\* 12:6-7: Jop 2:6      \* 12:9: Plp 4:11-13      \* 12:11: 2Ko 11:5      \* 12:12: Lom 15:19

ma miñ ya popabuk ami. Ma môlô bôk ôyê nô m takêñ yôv.  
 13\* Aisê ba môlô onañ nena yakapôlôn hagiap hathak môlô  
 ma yalerhaviñ avômalô êvhaviñ vi? Sêbôk ba yahamô  
 haviñ môlô ma yahadô yanêm malaiñ êndêñ môlô ba intu  
 miñ yahawa môlônim da hatôm yahadum hadêñ avômalô  
 êvhaviñ vi ami. Ma môlô lemmaniñ eka? Kikaknena!  
 Notak kapôlômim ek ya.

14 Odañô! Lêk bôlôn te lô ba tem yasôk ek môlô.  
 Miñ yalerhaviñ môlô nô nê m nô mkama êndêñ ya ami.  
 Yalerhaviñ môlôda. Avômena miñ isup valuseleñ ek  
 nê nê m lami sa ami. Mi. Lami isup valuseleñ ek nê nê m  
 nali sa. Ba intu tem miñ yanêm môlô malaiñ ek yasup  
 môlônim da ek nê m ya sa ami. 15 Aêñ ba yalerhmavi anôn  
 ek yanêm yenañ nô mkama lôkthô êndêñ môlô ma yanêm  
 yada imbiñ aêñ iyom. Yalerhaviñ môlô bêñ anôn ma  
 yakô ek môlô nô ndô ya. 16 Avômalô enañ nena yahamô  
 haviñ i ba miñ yahêv malaiñ ami. Ma doñtom elam ya  
 nena anyô yahasau avômalô lôk yahanañ abô yañ. 17 Aisê!  
 ñê ku takatu ba yahêv hathôk ma doho ibuliñ môlô e?  
 18\* Yahapôviñ Titi ek êsôk ek môlô ma yahêv alalôaniñ  
 aiyañ te haviñ. Ma Titi habuliñ môlô e? Mi. Titi hathak  
 hasopa yaveñgwam iyom ma yaianiñ auk ma doñtom.

19 Môlô olañ abô takatu ba osoñ nena yêlôda êv i kisi  
 e? Mi. Yêlô ma Kilisi anêñ avômalô ba amiñ Wapômbêñ  
 ma ba anañ abô êntêk. Aiyañ thêlô, nô mkama lôkthô  
 atu ba yêlô adum ek embatho môlô loñ. 20 Yahakô ek  
 yasôk ma tem miñ yalerhmavi ek môlô ami ma môlô tem  
 miñ lemimmavi ek ya aêñ ami. Yahakô ek abô lôkthango  
 ma leñdañ lôk leññaña, lôk ovak am vose hi lodôn lodôn,  
 abôma lôk onañ abôyañ hathak anyô yañ ma otatale am  
 lôk ôyê am dañ lôk ôthô avômalô ba i mayaliv. 21\* Yahakô

\* 12:13: 2Ko 11:9 \* 12:18: 2Ko 8:6,16-18 \* 12:21: 2Ko 13:2

ek yasôk esak loŋbô ma yenaŋ Wapômbêŋ tem indum ba ya mama esak môlônim kambom takatu. Ma tem yakapôlônŋ malaiŋ bêŋ anêŋ esak ŋê takatu ba miŋ ele kapôlônŋŋ liliŋ hathak iniŋ lelaik lôk thethanak ma sek waliliŋ takatu ba idum ami.

## 13

### *Kolin neyabiŋ iniŋ êvhaviŋ*

<sup>1</sup> \*Bôk yahathôk bôlônŋ ju yôv ma êntêk yahathôk ma tem bôlônŋ te lô. Lemimimbi esak abô êntêk,  
 “Ju mena lô la enaŋ anyô te anêŋ kambom bêŋ, êŋ ma abô  
 avanônŋ.” *Lo 19:15*

<sup>2-3</sup> Sêbôk atu ba yahathôk bôlônŋ yaŋ ma yahêv abô lôk-  
 liŋyak hadêŋ môlô. Ma lêk yahamô haviŋ môlô ami, ma  
 doŋtom yahanariŋ hathak loŋbô nena môlô lemimhaviŋ  
 ôŋgô nena yada yenaŋ abô mena Kilisi anêŋ abô. Ba intu  
 tem yasôk esak loŋbô ek yaŋgê nena avômalô takatu ba  
 idum kambom lôk avômalô kambom vi ma tem miŋ yatak  
 i ek nêsôv ami. Kilisi ma miŋ anyô vau ami. Mi. Anyô  
 lôklokwaŋ kambom ba tem eyabiŋ môlô dedauŋ mavi.

<sup>4</sup> \*Avanônŋ, yani hatôm anyô vauna te ba ik yani hathak  
 a. Ma doŋtom hamô lôkmala hathak Wapômbêŋ anêŋ  
 lôkliŋyak. Yêlô ma vaunena aêŋ iyom ma doŋtom hathak  
 Wapômbêŋ anêŋ lôklokwaŋ ba intu yêlô amô lôkmala  
 haviŋ yani ek nanêm môlô sa.

<sup>5</sup> \*Nôsôam ba noya ek ôŋgô nena unim ôêvhaviŋ hamô  
 mena mi e? Nutitiŋ amda ek noyala nena intu ômô haviŋ  
 Yisu Kilisi mena bôk ôêv yak yôv. Injo. Yakô mi la.  
<sup>6</sup> Yalerŋhaviŋ môlô nutitiŋ yêlô ma tem ôŋgô nena miŋ  
 bôk aêv yak ami. <sup>7</sup> Ba yêlô miŋ aêv yak ami ba avômalô  
 êyê yêlô hatôm aposel, êŋ ma nôm oyaŋ. Mena enaŋ

\* 13:1: Mat 18:16; 1Ti 5:19      \* 13:4: Plp 2:7-8      \* 13:5: 1Ko 11:28

nena yêlô aêv yak ba yêlô nê vau ba miñ aposel ami, êñ ma nôm oyañ aêñ iyom. Ma doñtom nômbêñ ma nundum nômkama lôkthô thêthôn iyom. Ma yahanañ hik Wapômbêñ liñ ek miñ môlô nundum kambom la ami. <sup>8</sup> Yêlô miñ hatôm nandum nômla eso abô avanôn ami. Mi. Nambatho abô avanôn loñ iyom. <sup>9</sup> Môlô lôklokwañ ma yêlô vau, êñ ma yêlô leñiñmavi. Yêlô aterñ mek ek môlô nopesañ unim kambom takên ba numbitak mavi esak loñbô. <sup>10</sup> \*Anyô Bêñ hêv ku lôk athêñ êñ hadêñ ya ek yato môlô ek numbitak thêthôn ma miñ yambi môlô ni ami. Aêñ ba miñ yahamô haviñ môlô ami ba intu yahato abô takêntêk ek waklavôn atu ba yahathôk ma tem yanja yenañ lôklokwañ ek yapesañ môlônim auk. Ma miñ yanêm vovañ êndêñ môlô ami.

*Pol hanañ anêñ lamavi*

<sup>11</sup> Aiyañ thêlô, lêk yôv. Ba lemimmavi ma nopesañ malaiñ sapêñ. Nobatho am loñ esak abô ni ba êlêm ma noja auk doñtom lôk nômô yôhôk ma Wapômbêñ anêñ lahaviñ lôk anêñ labali êmô imbiñ môlô.

<sup>12</sup> Ma nokam môlôviyañ esak kobom yôhôk mathêñ. Nê mathêñ lôkthô êv iniñ leñiñmavi haviñ.

<sup>13</sup> Alalôaniñ Anyô Bêñ Yisu Kilisi anêñ wapôm lôk Wapômbêñ anêñ lahaviñ ma Lovak Mathêñ anêñ lamavi êmô imbiñ môlô lôkthô.

---

\* 13:10: 2Ko 10:8

Wapômbênj Anêj Abô Matherj  
The New Testament in the Malei-Hote Language of Papua New  
Guinea

Nupela Testamen long tokples Maei-Hote long Niugini

copyright © 2010 Wycliffe Bible Translators, Inc. and The Malê people

Language: Hotê-Malê (Malei-Hote)

Translation by: Wycliffe Bible Translators

Contributor: The Malê people

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

Updates

eBible.org

---

PDF generated using Haiola and XeLaTeX on 17 Nov 2018 from source files dated 24 Oct 2018

c8e90bc3-6cab-57b1-9a48-04f5f30fe59a